



VAALIT
VAL

Parlamentuvalličukset 2023

Parlamentuvalličukset pietäh joga nellätty vuotta.
Valličuksis Suomen kanzalazet vallitah parlamentah 200
kanzanevustajua, kuduat ruvetah piättämäh meijän yhtehizis dielolois.

Parlamentan ruado

Parlamentan tärgevin ruado on piästä ilmah zakonat, kudamien mugah
yhteskundu toimiu.

Toine tärgei parlamentan ruado on piättiä valdivon talovusarvivois.
Talovusarvivois miäritelläh, kuspäi valdivo suas dengua da mih dengat
käyttäs.

Parlamentu sežo pidäy silmäl valdivon dengoin käyttö.

Parlamentu valliččou muan halličuksen piäministran da pidäy silmäl
halličuksen ruandua.

Sen ližakse parlamentu piättäy, midä mieldy Suomen valdivo on äijis
Europun unionan dielolois.

Vuvven 2023 parlamentuvalličukset pietäh **pyhänpiän 2.4.2023.**

Ennepäi-änestys Suomes on 22.–28.3.2023 da ulgomual 22.–
25.3.2023.

Kesbo voit suaja abuu?

**Valličusvirguniekat nevvotah sinuu valličuskohtas kui ennepäi-
änestykses, mugai valličuspäivänny kaikis tilandehis.**

Valličuskohtas on sežo valličusabuniekku. Voit kzyžo händy abuh iänestyskoppih, et iče maltane täyttiä iänestyslippuu.

Valličusabuniekannu voibi olla sežo ristikanzu, kudian sinä iče olet vallinnuh, ezimerkikse omahine libo lähäine. Abuniekannu yhtelläh ei voi olla ehoitettu libo ehoitetun lähäine.

Valličusabuniekku ei sua sanella nikelle, kedä iänestit.

Valličuspeitolližus

Jogahine piättäy iče, tahtonougo iänestiä da kedä iänestäy.

Valličuspeitolližus merkiččöy sežo sidä, gu sinulles ei pie sanella nikelle, kedä iänestät. Valličuspeitolližuon täh iänestät täytät iänestyslipun iänestyskopsis.

Ken voibi iänestiä?

Sinä voit iänestiä parluamentuvalličuksis, gu

- **olet Suomen kanzalaine; da**
- **olet täyttänyh 18 vuotta 2.4.2023 sah.**

Iänioigevusilmoitus tulou kodih

Ollou sinul oigevus iänestiä, suat sih näh kirjazen kodih. Kirjazes on iänioigevusilmoitus, kuduas on tiedo iänestyspaikas valličuksien päivänny.

Samazes kirjazes on luvettelo ennepäi-iänestyskohtis.

Suat ilmoituskartin sähközenny, ollet ottanuh käyttöh Digi- da rahvahalistiedovirraston tarittavan sähközen viestindypalvelun libo Suomi.fi-viestit (ližätieduo adresis www.suomi.fi/viestit).

Iänioigevusilmoitustu ei pie ottua keräle iänestyspaikale, roih hengilötovestukses.

Kedä voit iänestiä?

Suomi on juattu 13 valličuspiirih.

Jogahizes valličuspiiris on omat ehoitetut.

Voit iänestiä mostu ristikanzua, kudai on ehoitetunnu parluamentuvalličuksis omas valličuspiiris.

Sinun valličuspiiri ilmoitetah iäniogevusilmoitukses.

Oman valličuspiirin ehoitettuloin noumerat nävytäh iänestyskohtis da iänestyskopsis.

Tieduo ehoitettulois suat ezimerkikse lehtilöis, tv-programmois da internetas.

Kodi-iänestys

Ollet voimatoi libo ollou iänestyspaikale menendy libo sie iänestämine liijakse jygei dielo, voit iänestiä ennepäi kois.

Sinule pidäy ilmoittuakseh kodi-iänestykseh 21.3.2023, 16 aigassah oman kunnan keskusvalličuskomissiele.

Komissien telefonannoumeru on iäniogevusilmoitukses.

Suat komissielpäi sežo ližätieduo kodi-iänestykseh näh.

Nenga iänestät ennepäi

Voit vallita, iänestätgo iänestyspäivänny vai ennepäi-iänestyksen aigua.

Voit iänestiä parluamentuvalličuksis ennepäi hos kus ennepäi-iänestyskohtas Suomes libo ulgomual.

Ota keräle iänestykseh hengilöllizystovestus, ezimerkikse pasportu, hengilökarti libo ajokarti.

1. Ozuta hengilöllizystovestus valličusvirguniekale.

Virguniekku tarkistau sen da andau sinulles iänestyslipun.

2. Mene iänestyskoppih.

Kirjuta iänestyslippuh selgieh sen ehoitetun noumeru, kudamua

iänestät.

Älä kirjuta iänestyslippuh nimidä muudu.

3. Taita iänestyslippu keskel.

4. Tule järilleh valličusvirguniekän luo.

Häi panou pečätin iänestyslippuh da andau sinulles koričnevoin valličuskonvertan.

Pane iänestyslippu konvertah, salbua se da kleiče.

5. Valličusvirguniekku andau sinulles ankietan allekirjutettavakse.

Allekirjutuksel garantiiruičet, gu olet iče täyttänyh iänestyslipun, suannuh sih pečätin da salvannuh sen konvertan.

6. Lopukse virguniekku panou valličuskonvertan da ankietan yhteh keldazeh konvertah.

Nenga iänestät valličuspäivänny

Valličuspäivänny 2.4.2023 iänestyskohtat ollah avvoi 9–20 aigah.

Tarkista iänioigevusilmoitukses, kus sinun iänestyskohtu on.

Valličuspäivänny voit iänestiä vai sit iänestyskohtas, kudai on merkattu sinun iänioigevusilmoitukses.

Ota keräle iänestykseh hengilöllizystovestus, ezimerkikse pasportu, hengilökarti libo ajokarti.

1. Ozuta hengilöllizystovestus valličusvirguniekale.

Virguniekku tarkistau sen da andau sinulles iänestyslipun.

2. Mene iänestyskoppih.

Kirjuta iänestyslippuh selgieh sen ehoitetun noumeru, kudamua iänestät.

Älä kirjuta iänestyslippuh nimidä muudu.

3. Taita iänestyslippu keskel.

4. Tule järilleh valličusvirguniekan luo.

Häi panou pečätin iänestyslippuh.

5. Pane oma iänestyslippu valličusurnah.

Iänestä parluamentuvalličuksis!

Ližiä tieduo iänestämizeh näh:

vaalit.fi

Voit kzyö valličuksih da iänestämizeh näh sežo oigevusministerstvan palvelunoumeras 0800 9 4770.